

Broj: 03-04-1037-27/24
Sarajevo, 27.06.2024. godine

Bosna i Hercegovina
Federacija Bosne i Hercegovine
**PARLAMENT FEDERACIJE
SARAJEVO**

**PARLAMENT FEDERACIJE BOSNE I HERCEGOVINE
Zastupnički dom**

n/p gosp. Ivanu Miličeviću, tajniku ✓
n/p gosp. Adnanu Efendiću, zastupniku

Org. jed.	Broj	Priloga	Vrijednos.
05/1	- 02 -	326	/24

Predmet: Odgovor na zastupničko pitanje

Poštovani,

Sukladno članku 75. Poslovnika o radu Vlade Federacije Bosne i Hercegovine - Prečišćeni tekst ("Službene novine Federacije BiH", br. 6/10, 37/10, 62/10, 39/20 i 67/21), a u svezi sa člankom 116. Poslovnika Zastupničkog doma Parlamenta Federacije Bosne i Hercegovine („Službene novine Federacije BiH“, br: 69/07, 2/08, 26/20 i 13/24), u privitku Vam dostavljam akt Federalnog ministarstva prostornog uređenja, broj: 02-02-4-581/24 od 14. lipnja 2024. godine, koji se odnosi na zastupničko pitanje zastupnika Adnana Efendića.

S poštovanjem,



TAJNIK VLADE

dr. sci. Edita Kalajdžić

Privitak: kao u tekstu

Broj : 02-02-4-581/24 - ✓
Sarajevo, 14.6.2024. godine

Bosna i Hercegovina
Federacija Bosne i Hercegovine
Vlada Federacije BiH
n/r dr.sc. Edita Kalajdžić, sekretar Vlade

BOSNA I HERCEGOVINA
FEDERACIJA BOSNE I HERCEGOVINE
V L A D A
Sarajevo

PRIMLJENO: 26.06.2024			
Organizaciona jedinica	Klasifikacioni broj	Redni broj	Broj prijema
03-04-	1037-	27/	2024

PREDMET: Odgovor na zastupničko pitanje, dostavlja se:-
Veza akt broj: 03-04-1037-27/24 od 06.06.2024. godine.

Aktom gornji broj i datum, dostavili ste pitanje Adnana Efendića zastupnika Zastupničkog doma Parlamenta Federacije BiH, koje je ovo Federalno ministarstvo zaprimilo 6.6.2024. godine.

Zastupničko pitanje glasi:

„Moje drugo pitanje bi se odnosilo na Prijedlog odluke o pristupanju izrade Regulacionog plana sarajevske čaršije na moju inicijativu iz 2020. godine mislim da je Parlament u oba doma usvojio Odluku o pristupanju 2021. godine, ista je objavljena u Službenim novinama sa rokom izrade od šest mjeseci od tada su prošle više od tri godine i mi nismo dobili ni Nacrt Regulacionog plana sarajevske čaršije u parlamentarnoj proceduri.

Želi bih da dobijem odgovor od Ministarstva zašto predhodne tri godine nije ništa urađeno iako je donešena Odluka o pristupanju? Kada će mo dobiti i da li ste svjesni da je ovo predug period da nema apsolutno nikakvih tj. Ni jednog planskog dokumenta u parlamentarnoj proceduri od strane Ministarstva?“

Odgovor na postavljeno zastupničko pitanje

Objavom Odluke u Službenim novinama Federacije BiH, o pristupanju izrade „Izrada izmjena i dopuna Regulacionog plana sanacije, konzervacije, restauracije i revitalizacije Sarajevske čaršije“ broj: 99/21 od 8.12.2021. godine. Ministarstvo prostornog uređenja (u daljem tekstu: Ministarstvo) provodi aktivnosti, na realizaciji Odluke Parlamenta Federacije BiH:

U 2022. godini, nakon usvajanja budžeta Federacije BiH i donošenja Plana Javnih nabavki ministarstva 1.4.2022. godine, poduzete su aktivnosti:

1. Dana 19.04.2022. godine, ministarstvo donosi Odluku o pokretanju javne nabavke, „Izrada izmjena i dopuna Regulacionog plana sanacije, konzervacije, restauracije i revitalizacije Sarajevske čaršije“.

2. Dana 21.05.2022. godine, ponuđač COADORO-ING d.o.o. Mostar, podnosi Žalbu na tenderdsku dokumentaciju JN.

3. Dana 27.06.2022. godine, Ministarstvo donosi rješenje o uvažavanju Žalbe Ponuđač COADORO-ING d.o.o. Mostar, i donosi Odluku o poništenju postupak Javne nabavke.

4. Dana 18.10.2022. godine, Mministarstvo donosi Odluku o pokretanju javne nabavke, „Izrada izmjena i dopuna Regulacionog plana sanacije, konzervacije, restauracije i revitalizacije Sarajevske čaršije“ - „izrada analitičko - dokumentacione osnove“.

5. Dana 28.11.2022. godine, ponuđač Architecture & Road Desing d.o.o. Mostar, podnosi Žalbu na tenderdsku dokumentaciju JN.

6. Dana 27.06.2022. godine, Ministarstvo dostavlja Žalbu ponuđača Architecture & Road Desing d.o.o. Mostar, Uredu za razmatranje žalbi, filijali/podružnici Mostar.

7. Dana 29.12.2022. godine, Ured za razmatranje žalbi filijala/podružnica Mostar, dostavlja Zaključak o odbacivanju Žalbe Architecture & Road Desing d.o.o. Mostar, kao neurednu.

U 2023. godini, se nastavljaju aktivnosti na provođenju postupka Javne nabavke „Izrada izmjena i dopuna Regulacionog plana sanacije, konzervacije, restauracije i revitalizacije Sarajevske čaršije“ - „izrada analitičko - dokumentacione osnove“:

1. Dana 12.1.2023. godine, ponuđač Radis d.o.o. Istočno Sarajevo, podnosi Žalbu na tenderdsku dokumentaciju JN.

2. Dana 13.01.2023. godine, Ministarstvo dostavlja Žalbu Radis d.o.o. Istočno Sarajevo, Uredu za razmatranje žalbi, filijali/podružnici Mostar.

3. Dana 09.02.2023. godine, Ured za razmatranje žalbi, filijala/podružnica Mostar, dostavlja Zaključak o odbacivanju Žalbe Radis d.o.o. Istočno Sarajevo, kao neurednu.

4. Dana 15.03.2023. godine, Ministarstvo sa najpovoljnijim ponuđačem IPSA INSTITUT d.o.o. Sarajevo, potpisuje ugovor o nabavci usluga „Izbor nosioca izrade izmjena i dopuna Regulacionog plana sanacije, konzervacije, restauracije i revitalizacije Sarajevske čaršije“ - „izrada analitičko - dokumentacione osnove“ sa rokom izrade u trajanju od tri mjeseca.

5. Shodno ugovornim obavezama, nakon niza primjedbi od strane ministarstva i radnih sastanaka sa prezentacijom, IPSA INSTITUT d.o.o. Sarajevo, dana 24.10.2023. godine, dostavlja Ažurnu geodetsku podlogu za prostor obuhvata plana i Elaborat o otklanjanju ili ublažavanju negativnih uticaja izvršenih intervencija na autentičnost nacionalnog spomenika.

U 2024. godini, se nastavljaju aktivnosti na provođenju postupka Javne nabavke „Izrada izmjena i dopuna Regulacionog plana sanacije, konzervacije, restauracije i revitalizacije Sarajevske čaršije“:

1. Dana 26.2.2024. godine, Ministarstvo donosi Odluku o pokretanju javne nabavke, „Izrada izmjena i dopuna Regulacionog plana sanacije, konzervacije, restauracije i revitalizacije Sarajevske čaršije“.

2. Dana 21.3.2024. godine, ponuđač IPSA INSTITUT d.o.o. Sarajevo, podnosi Žalbu na tenderdsku dokumentaciju JN.

3. Dana 26.3.2024. godine, Ministarstvo dostavlja Žalbu IPSA INSTITUT d.o.o. Sarajevo, Uredu za razmatranje žalbi, filijali/podružnici Mostar.

4. Dana 19.04.2024. godine, Ured za razmatranje žalbi, filijala/podružnica Mostar, dostavlja Zaključak o odbacivanju Žalbe IPSA INSTITUT d.o.o. Sarajevo, kao neurednu.

Nakon okončanja E-Aukcije 30.5.2024. godine u postupku Javne nabavke, a po isteku žalbenog perioda, Ministarstvo će sa najpovoljnijim ponuđačem potpisati

ugovor o nabavci usluga „Izrade izmjena i dopuna Regulacionog plana sanacije, konzervacije, restauracije i revitalizacije Sarajevske čaršije“.

Ministarstvo, planira da do kraja 2024. godine, dostavi Vladi Federacije BiH Urbanističku osnovu „Izmjena i dopuna Regulacionog plana sanacije, konzervacije, restauracije i revitalizacije Sarajevske čaršije“, koja će nakon razmatranja i utvrđivanja na sjednici Vlade Federacije BiH, biti dostavljena Parlamentu Federacije BiH, na razmatranje i usvajanje.

S poštovanjem,



Dostaviti :

1. Naslovu,
2. Evidenciji i
3. Arhivi